

KONKURS – literarni radovi i prezentacije sa temom

„Branitelji – heroji moje mahale“

- Upute učenicima za rad -

Dragi učenici, pred vama je zanimljiv i lijep zadatak - da iskažete svoju volju, želju i istraživačke sposobnosti, ali prije svega ljubav i ponos koje osjećate prema svojoj domovini i njenim braniteljima!

Kada odaberete kategoriju u kojoj ćete se takmičiti – literarni rad ili prezentaciju – morat ćete prije svega biti istraživači! Činjenica da pripadate generacijama koje nisu preživjele agresiju, niti direktno učestvovali u odbrani svoga grada, svoje mahale, tjera vas da o tome morate prvo istražiti: razgovarati sa članovima svoje uže i šire porodice, komšijama i prijateljima koji su bili branitelji domovine, pitati o svemu što vas interesuje i posegnuti za činjenicama o kojima ne znate, a trebat će vam za rad!

Literarni radovi

Literarni radovi mogu biti poetskog (pjesme) i proznog (pripovijednog) karaktera. Oni koji vole pisanjem izražavati svoje misli već znaju da to podrazumijeva lijepo, pravilno i bogato izražavanje, protkano emocijama i sa što više stilskih izraza. I u pjesmi i u pripovijednom tekstu odaberite osobu koja vas je u prethodnom istraživačkom radu impresionirala, čija vam je priča zanimljiva, čije vas je herojstvo dirnulo – toj osobi (branitelju – heroju) posvetite svoj rad! Osim subjektivnog razmišljanja, slobodni ste da pominjete i neke objektivne činjenice (ime, godine, ostale značajne podatke).

Prezentacije

Prezentacije, također, radite po uputama navedenim za literarne radove. Za razliku od literarnih radova, prezentacije ćete svakako više bazirati na činjenicama. Pazite da ne bude pretrpana samo tekstom, iskoristite što više slika, možete i kratki video ubaciti u prezentaciju.

Budite radoznali, istražite! Budite kreativni i maštoviti, posvetite nekome svoj rad najbolje što možete! Sretno!!!

Za sve eventualne nejasnoće i pitanja, tu smo da pomognemo!

E-mail Tima za kulturnu i javnu djelatnost škole:

tim.kjd@osaneks.edu.ba

Tim za KJD OŠ “Aneks”